



**Claudii Fleurii Abbatis Historia Ecclesiastica**

Ab anno Christi 1620 usque ad annum 1623

**Fleury, Claude**

**August. Vind. [u.a.], 1777**

**VD18 90118855**

§. 124. Diversa Gregorii XV. Constitutiones.

---

[urn:nbn:de:hbz:466:1-67344](#)

Sæc. XVII. mus. Austriacæ honorificentissime dif.  
A. C. 1621. fufus.

## §. CXXIV.

*Diversæ Gregorii XV. Constitutiones.*

Bullar.  
magn. Gre-  
gor. XV.

Postquam Gregorius XV. neo-electus Pontifex pro more illis, qui in hoc conclavi erant, privilegia indulserat, necnon universale Jubilæum ad divinam opem initio Pontificatus sui pro salutari Catholicæ Ecclesiæ Regimine indixerat, quadam Constitutione die duodecimo Februarii edita Congregationem Siculam FF. Discalceatorum S. Augustini Italicæ esse unitam ratum habuit. Die autem decima quarta Maij Festum B. Thomæ a Villa nova cum Officio & Missa in universo S. Augustini Eremitarum Ordine solemniter celebrari indulxit, eandemque gratiam pro Feste B. Paschalis Baylon Fratribus Ord. S. Francisci concessit; universo autem Ordini Benedictinorum novum Hospitium & Gregorianorum Collegium Romæ, in quounque loco voluerint, erigendi facultatem die septima Decembris dedit, annexis privilegiis totius Ordinis & Congregationum, etiam Cassinensis. Jesuitis autem die secunda Octobris indulxit, ut Officium & Missam de B. Aloysio celebrare valent.

Sæc. XVII.  
A. C. 1621.

leant. Suppressit etiam Pontifex Ecclesiam Parochialem Sanctæ Cæciliæ in Monte Jordano, illiusque redditus pro erectione duorum Canonicatum impedit: Alia Constitutione die decima Maij Ordinem militiæ Christianæ confirmavit. Die autem vigesima prima Martii Congregationem B. V. Mariæ de Calvario ab Antonia Aurelianensi Longevillæa, directore celebri P. Josepho Capuccino, fundatam Apostolico diplomate approbavit: Verum ceteris omnibus longe celebratissima erat ejusdem Pontificis constitutio, qua deinceps summorum Pontificum electionem per secreta suffragia fieri, die decima quinta Novembris præcepit, hancque legem sequenti anno die duodecima Martii per aliud decretum magis adhuc extendit: ambas vero Gregorii Constitutiones postea Urbanus VIII. die vigesima octava Januarii anno 1626, confirmavit, cunctosque Cardinales, ex quibus tum triginta septem Romæ erant, eo adegit, ut hunc eligendi modum se inviolata lege servaturos, jureto sponderent. Exin autem in Ecclesiæ id emolumenti redundant, quod in tali electione quivis Cardinalium liberæ suæ conscientiæ, ac voluntatis impulsu sequi posset, cum tamen antea suffragiis manifestato expresso eligendi nomi-

Sæc. XVII. nomine datis quandoque prævalida  
 A. C. 1621. quorumdam auctoritas ceteros etiam  
 invitatos secum rapuisset. Præterea summus Pontifex Congregationem Regularem Scholarum Piarum in veram Religionem cum trium votorum sponsione evexit, eosque omnium privilegiorum aliis Mendicantium Ordinibus conciliorum die decima quinta Octobris participes reddidit. Denique summus Pontifex declaravit, quod Carmelitæ Discalceati iisdem privilegiis, quæ Clemens VIII. eis die 13. Julii anno 1604 pro Persidis Missione concessit, etiam in illis locis, in quibus haereses gravantur, & schismatici impune permittuntur, uti & frui valeant.

§. CXXV.  
*Alia S. Congregationum decreta auctoritate summi Pontificis emanata.*

*S. Congreg. Rit & Con-  
 cil. Daniel hist de Fran-  
 ce tom. 10.*

Exorto dubio circa prærogativam inter Doctores & Sacerdotes, sacra rituum Congregatio die trigesima Martii decidit, quod præcedendi ratio inter Presbyteros ex Ordinis suscepit antiquitate, non autem ex Doctoratus gradu desumatur, eoquod Ordo sit longe dignior, quam Doctoratus honor: resolvit quoque eadem die, quod si in